

vnd schwach wird / daß du solchen zu keiner
 Sencke bringen kanst / vnd darüber der
 Berg in abnemen kömpt / daß er nicht mehr
 die Unkosten ertragen oder bringen mag.
 So sol auch das Kräutliche nicht in Bergen
 getreuet werden / damit der Graß Samen
 nicht widerumb außfelle / vnd darnach bald
 anders wieder wechset.

Das 16. Capitel. Von der ersten Hacke.

Wenn nun vorige Arbeit verrichtet /
 vnd der Weinberg gekrautet wor-
 den / das denn gemeiniglich von
 dem Weibesvolck zu geschehen pfleget / so
 sol der Winker / wenns gekrautet / immer
 hernacher fein tieff hacken / vnd an den Be-
 birgen / da es leinicht ist / so viel möglich /
 das Erdreich nach der Seiten ziehen / vnd
 sonderlich in acht nemen / daß der Stock im
 hacken nicht beschädigt / damit soleher nicht
 weinet / vnd ihm der safft entgeheth / vnd denn
 weder Wein noch Holz bringen kan. Du
 solt auch mit der ersten Hacke nicht zu frue
 eilen /